

Universitätsbibliothek Paderborn

**Additio Ad Qvæstiones Selectas in 1. 2. S. Thom. olim
impressas**

Requesenius, Josephus M.

Romæ, 1675

Sectio I.

urn:nbn:de:hbz:466:1-38791

DISPUTATIO III.

De effectibus Peccati originalis.

Ver se tractavi de peccato originali lib. 3. de pecc. disp. 19. nunc addam nonnulla, quae desiderantur ad completam de eius effectibus explicationem.

SECTIO I.

An peccatum Adæ intulit priuationem auxilij sufficientis, ac antecedentem necessitatem peccandi, & fuit causa reprobationis omnium Damnatorum:

Vtrumque affirmat ex Augustino Henricus cap. 3. 9. 6. vers. lex igitur ex Augustino, ubi ait, licet humanum genus ex peccato primi parentis incurriterit antecedentem necessitatem peccandi, Christi tamen beneficio sublata est, & vers. nam si lex, arguens contra Doctores assertentes legem datum homini habere secum necessario connexam gratiam sufficientem, quæ ad præcepta implet-

236 De effectibus

plenda iuuaret, inquit, si lex, ut ob-
liget, infert semper assistentiam gratie
sufficientis, sequeretur gratiam suffi-
cientem ad obseruantiam legis necessa-
riam, non fuisse amissam ex peccato
Adæ, quod licet à pluribus concedatur,
puto esse falsissimum, &c cap. 4. §. 10.
vers. expedienda est hic difficultas, ait,
Adam ex peccato perdidit sibi, & no-
bis auxilium constituens potentiam
proxime expeditam ad perseverandum,
quare priuatio huius potentiae in nobis,
est pena primi peccati, nam secundum
gratiam datur, non secundum debitum.
Ob idq; vers. hanc priuatione reliquam
infert hanc potentiam, iuste à Deo
negari posse, cum ex primo peccato non
debeat. Aduerte autem, ab Hen-
rico non agnosci aliam potentiam
sufficientem, quam potentiam pro-
xime expeditam, ideoque potentia
remota, quam collatam dicit homi-
ni lapso, non est per ipsum, poten-
tia sufficientis, dum nunquam in eo
tract. appellavit sufficientem, vti
appellasset, si eam admisisset tam-
quam speciem potentiae sufficientis,
di-

d
si
x
v
n
a
si
c
fe
c
v
n
ti
ge
4
tu
n
ir
qu
re
d
ve
ve
m
or
li

distinctam ab alia specie potentiae sufficientis, nimirum potentiae proxime expeditae. quod animaduertas, velim, Lector, ne putas ab ipso admitti potentiam sufficientem, cum admittit remotam, & negari solam sufficientem proximam; ob idque cap. 3. §. 6. vers. nam si lex, dicit, suffis-
fe amissam gratiam sufficientem necessariam ad obseruantiam legis, non vero sufficientem proximam, quia non agnoscit duas species sufficientiae, quarum una, & non alia negetur.

137 Addit præterea dicto cap. 4. §. 10. vers. est igitur celebris peccatum originis esse causam reprobationis omnium damnatorum, quia vero in baptizatis est remissum originale quoad culpam, ideo subdit, causam reprobationis baptizatorum esse radicaliter in solo originali, proxime vero, & formaliter in actuali; his verbis. *Nullo pacto conceditur hominem baptizatum damnari propter originale formaliter, & esse ratione illius, ut causæ proximæ reprobatum, sed*

di-

238 De effectibus

dicimus originale radicaliter esse causam reprobationis fidelium, qui damnantur, quatenus ab illo ortum habuit priuatio potentia expedita ad perseuerandum, sub qua, præciso auxilio speciali Dei, homo labitur in peccata, ob quæ proxime, & formaliter à Deo damnatur, &c. Sed inconsequenter loquitur diuersimode de baptizatis, ac non baptizatis, nam cum ex una parte, eadem impotentia, ac necessitas antecedens, quæ æque remanes in utrisque, siue culpa originalis sit remissa in illis, & non remissa in iis, habetur tanquam effectus pœnalis peccati, non minus, ac est concupiscentia, vt ait dicto §. 10. vers. est igitur celebris, & vers. igitur præcipue, ac vers. obyciunt plures, ex altera vero ab hac impotentia oritur lapsus in peccatum, non est cur, potius de fidelibus, quam infidelibus, diuerso modo explicet causam damnationis.

138 Quare duo hic sciunetim inquiram; & primo an in rei veritate, & iuxta doctrinam fidei, contraxe-

rint

rint posteri, in pœnam originalis, ini-
potentiam antecedentem ad non
peccandum, & necessitatem antece-
dentem peccandi, & an fuerit de-
negata posteris potentia sufficiens,
quam Auctor appellat potentiam
proximam expeditam, ex cuius de-
fectu moriantur cum impœnitentia
finali, & damnentur. secundo an hæc
impotentia sit dogma Augustinianum.

§. I.

Examinatur quid de rei veritate.

139 **P**rima conclusio: in pœnam
peccati Adæ non fuit sub-
latum reprobis auxilium sufficiens,
seu potentia proxime expedita ad
obseruantiam mandatorum, aut con-
tracta necessitas antecedens ad peccan-
dum. Ita Magister in 2. dist. 25.
vbi distinguens tres modos libertatis,
scilicet, à necessitate, à peccato,
& à miseria, ait, *libertas à necessitate*
ante, & post peccatum, æque est in li-
bero arbitrio, & infra, libertatem à
se.

seruitute peccati , homo peccando
amisit, non tamen à necessitate , in-
quiens , Augustinus dicit in Enchir.
cap. 30. quod homo male vtens libero
arbitrio, & se perdidit , & ipsum, quia
perdita est per peccatum libertas , non
à necessitate , sed à peccato , qui enim
facit peccatum , seruus est peccati , ac
tandem concludit , liberaliter seruit ,
qui sui Domini voluntatem libenter
facit , & per hoc ad peccandum liber
est, qui peccati seruus est . Magistrum
sequitur S.Thom.in 2. dist.25. art.4.
ad 1. sic loquens , libertas à necessitate
sequitur naturam potentiae , & ideo per
actus, & habitus non variatur, & ar.5.
in corp. si consideretur libertas secun-
dum id , quod remouetur perfecta co-
etio, sic erit libertas à coactione, ac ne-
cessitate , quæ quidem per se, & semper
liberum arbitrium comitatur, & in lit-
tera dicitur , quod in omnibus inueni-
tur , sine quo peccatum imputari non
posset : & ad 1. libertas à necessitate
omnibus statibus (hoc est innocentiae
& gloriae) communis est , licet libertas
à miseria duobus statibus communis sit.

Hinc

Hinc S. Doct. enumerans omnes pœnalitates, ortas ex originali, tam in anima, quam in corpore in 2. dist. 29. art. 5. & 22. quæst. 164. ar. 2. nunquam meminit huius pœnæ, priuationis auxiliij sufficientis, ac necessitatis antecedentis ad peccandum, quam proculdubio non reticuisset, si ex peccato contractam existimasset. Magistrum, & S. Thom. sequuntur communiter Doctores, infra citandi.

140 Sed arguo primo : ea solummodo dona amiserunt posteri in pœnam peccati Adæ, quæ meruissent per eiusdem obedientiam, sed per obedientiam Adæ erant tantummodo consecuturi dona gratuita, nempe immortalitatem, integritatemque naturæ, non vero potentias, ac vires naturales ad non peccandum personaliter, seu ad vitandum malum, & prosequendum bonum, ergo per peccatum primi parentis non fuit sublata potentia sufficiens ad obseruantiam legis : maior est certa, minor patet, quia pæctum Dei cum Adamo fuit de solis donis

L gra-

gratuitis, non vero de principijs , ac perfectionibus naturalibus debitibus naturæ secundum sui existentiam, & constitutionem, ideoque recte Lessius lib. 13. de perfect. diu. num. 144. ait, *per peccatum originale, non meriti sunt priuari donis naturalibus, sed solis gratuitis ; unde quia immortalitas, & subiectio appetitus erat donum gratuitum, non vero potestas libera ad non peccandum, idcirco posteri per peccatum originis contraxerunt necessitatem moriendi , à qua non poterant, nisi per gratiam liberari, non vero necessitatem peccandi personaliter, ut bene adnotauit S. Thom. in 2. dist. 28. quæst. 1. art. 2. ubi propo- nens sibi hoc argumentum , mors ex peccato consecuta est , ergo ubi est necessitas moriendi, ibi est necessitas peccandi, sed in isto statu est necessitas moriendi , ergo & peccandi , sic respon- det ; Ad 5. dicendum, quod mors non respondet pro pœna culibet peccato, sed peccato primæ transgressionis , ex quo tota natura infecta est , unde sicuti à necessitate moriendi , homo non libera- tur*

tur nisi per gratiam, ita & à necessitate subiacendi peccato per originem & parentibus in posteros transfuso, non tamen oportet, quod homo necessario in peccatum mortale labatur; & dift. 33. quæst. 2. art. 1. in corp. expresse docet, posteros solummodo priuatos fine supernaturali, ad quem donum ex peccato subtractum ordinabat, nulla alia pœna debetur originali, nisi priuatio visionis, & illius finis, ad quem donum subtractum ordinabat. Vnde sic vltierius arguo; non valet ex D. Tho. sic arguere; homo in pœnam originalis contraxit necessitatem moriendi, ergo & peccandi, quia illud primum fuit impositum, in pœnam, non vero secundum; aliter non posset impugnari, qui vltra impotentiam non peccandi, adderet impotentiam non videndi, aut comedendi, cū non sit maior ratio, cur deperdita sit vna, & non alia perfectio existens intra ordinem naturæ, ut patet.

141 Vrgeo; pactum cum
Adamo non fuit de eleuanda natu-
ra, eique tribuendi potentias super-

L 2 na.

244 De effectibus

naturales, quia hæc, non minus con-
gruunt naturæ eleuatæ, ac con-
gruunt naturæ puræ potentiae natu-
rales, ergo sicuti homo purus non
amitteret in pœnam peccati liber-
tatem à necessitate, aut potentias ad
bene operandum, sed solum ius ad
affsecutionem sui finis, & amicitiam
cum Deo tanquam Auctore naturali,
ita Adam, eiusque posteritas non ami-
fit peccando statum eleuationis, ac
potentias eidem statui connaturales,
sed ius proximum, & immediatum
ad amicitiam, ac beatitudinem su-
pernaturalem, aliaque dona, quæ
etiam intra eundem ordinem ele-
uationis, sunt pure gratuita, & inde-
bita, nimirum immortalitas, impassio-
bilitas, subiectio appetitus, libertas à
seruitute, aliæque perfectiones con-
tentæ in dono integritatis, ut aiuat
Magister, & S Tho. supra laudati.

142 Dices ad hominem, homo per
peccatum originale amisit ius ad beatiti-
tudinem, ergo & potentiam ad media,
hoc est, sanctas operationes, quibus ac-
quiritur. Resp. tunc solum amitti po-
ten-

tentiā ad media, quoties amittitur ius
& capacitas ad finem, at cum rema-
neat homini lapsō capacitas recupe-
randi amicitiam per pœnitentiam, &
alios actus bonos meritorios de con-
gruo, remanet pariter potētia ad bea-
titudinem cōnexam cum amicitia. Et
retorqueo argumentum: homo purus
non deperderet per peccatum vires
sufficientes ad recuperandam beati-
tudinem naturalem, ergo nec homo
eleuatus eas deperdit ad recuperan-
dam beatitudinem supernaturalem.
Distinguo igitur consequens amisit
potentiam ad media, per quæ tan-
quam per merita condigna recupe-
ret beatitudinem concedo, tamquam
per merita congrua nego.

143 Arguo 2. impotentia ad
non peccandum, vel resultat natu-
raliter, seu ex natura ipsius origina-
lis, vel consequitur in pœnam ex li-
bera voluntate Dei: non primum,
quia peccatum originale, vel actua-
le non relinquit, nisi inclinationem,
non vero necessitatem ad repeten-
dum actum similem, ut constat in-

L 3 du-

ductione , neque enim qui semel
commisit aliquam intemperantiam ,
vel furtum, euadit impotens ad tem-
perate comedendum , & ad seruan-
das leges Iustitiæ , vnde si actus pro-
ducunt habitum facilitantem, non
vero necessitatem, multominus hanc
impotentiam , seu necessitatem in-
ducit vnum peccatum originale ,
quod est minus graue, quam actuale .
nec secundum , quia inter poenitali-
tes ortas ex originali , non recensent
Patres , & S. Thom. hanc impoten-
tiam, sed ignorantiam, infirmitatem,
ac difficultatem, quæ diminutionem,
non carentiam virium denotant , vt
mox declarabo . Vrgeo , malitia
peccati semel commissi non impor-
tat priuationem potentiaæ sufficien-
tis ad non transgrediendam legem ,
neque illam meretur , vt poenam
infligentiam à iudice, ergo : antece-
dens probatur, grauius est peccatum
personale , quam originale , cum il-
lad committatur voluntate propria ,
hoc vero aliena capit is , sed Angeli
præuaricatores , non amiserunt per
pec-

peccatum vires naturales , ac potentiam sufficientem ad non peccandum de nouo , ergo potiori iure eam non amiserunt posteri per peccatum originis ; vnde eodem prorsus modo loquitur de Angelo transgressore , ac homine lapso , quoad virium naturalium sufficientiam S. Thomas in 2. dist. 30. quæst. 1. art. 1. ad 3. his verbis .
Ad tertium dicendum ; quod bona naturalia dicuntur dupliciter , vel in se considerata , secundum quod debentur naturæ ex proprijs principijs , & sc nec homo , nec Angelus per peccatum , aliquid naturalium amisit , vel in aliquo diminutus est , cum Dionys. integra data naturalia in Angelis peccantibus permanere dicit .

144 Dices primo : communis Patrum vox est , hominem ob peccatum primi parentis , non solum suisse spoliatum gratuitis , sed etiam vulneratum in naturalibus , hoc autem vulnus supra spoliationem , addit impotentiam ad bene , vel male operandum . Re torqueo argumentum Patres dicunt vires arbitrij suisse peccati vulnera

L 4 dc-

debilitas, non extictas, sed vires
non extictæ, quamuis debiles, in-
cludunt sufficientiam, ergo vires na-
turales, licet per peccatum debilita-
tæ, non amiserunt actiuitatem suffi-
cientem ad non male, seu bene ope-
randum; ratio à priori: aliud est
virtutem esse insufficientem, aliud
vero debilem, quemadmodum, aliud
est membrum corporis esse infir-
mum, aliud insufficiens ad usum vi-
tæ, inno si esset insufficiens, non tam
diceretur infirmum, quam mortuum;
ergo sicuti sola extictio virtutis di-
cit carentiam sufficientiæ, ita inera-
debilitas non excludit sufficientiam,
quamuis includat carentiam roboris,
& ita docet S. Thom. in 2. dist. 28.
art. 2. in corp. cum peccatum, inquit,
bona naturalia non tollat, sed dimi-
nuat, illud quod ad naturam potentia
naturalis pertinet, homo per peccatum
amittere non potest, et si in illo infir-
metur; cum igitur libera electio, vel
fuga boni, seu mali, ad naturam liberi
arbitrij pertineat, non potest esse, ut
per peccatum subtrahatur homini fa-
cul-

cultas fugiendi peccatum, sed solum,
quod minuatur, ita scilicet, quod illud
peccatum, quod homo antea vitare de-
facili poterat, postmodum difficulter
vitetur, & ad 2. libertas arbitrij est im-
mutata ob peccatum, non tamen sub-
lata; & dist. 30. quæst. 1. art. 1. ad 3.
bona naturalia, secundum quod ordi-
nantur in finem ultimum diminuta
sunt in Angelo, & homine, non peni-
tus amissa, in quantum uterque factus
est minus habilis, & magis distans à
finis consecutione, & propter hoc di-
citur spoliatus gratuitis, & vulneratus
in naturalibus, & ad 5. huius habi-
litatis diminutio, pœna est hominis.
Distinguo igitur antecedens, est vul-
neratus, ac diminutus in naturalibus
per priuationem potentiae sufficien-
tis, nego: per priuationem majoris
habilitatis, & facilitatis ad asecuratio-
nem ultimi finis, vt loquitur S. Tho-
mas. Eadem solutio applican-
da est Tridentino, afferenti in decr.
de pecc. orig. sess. 5. totum hominem
per peccatum Adæ fuisse secundum cor-
pus, & animam in deteriorius immuta-

L 5 tum

250 De effectibus
rum, eadem, inquam, per immura-
tionem, qua eius vires fuerunt di-
minutæ, non penitus extinctæ, nec cum
eo robore, quo præditæ erant in sta-
tu innocentia.

145 Instas, ergo homo lapsus
potest dici naturaliter integer, ac
homo purus, etiamsi amiserit donum
integritatis. Resp. affirmatiue, si su-
matur integritas pro principijs in-
trinsicis, ac perfectionibus naturali-
bus debitibus naturæ, in ordine ad be-
ne operandum, cogitandum, & iu-
dicandum, vt ait Suarez proleg. 4.
cap. 4. num. 9. secus vero si sumas
integritatem pro facultatibus gratui-
tis, ac superadditis in statu innocen-
tiæ, & amissis per peccatum.

146 Dices 2. alia est denominatio
spoliati, alia vero vulnerati, sed il-
la habetur per amissionem gratuito-
rum, ergo hæc per amissionem ali-
cuius boni naturalis, quod est con-
distinctum à gratuito, & amissum
per vulnus peccati. Resp. cum
S. Thom. in 2. dist. 29. quæst. 1. art. 1.
ad 4. & dist. 30. quæst. 1. art. 1. ad 3.
&

& ad 5. hominem dici vulneratum
in naturalibus, non per amissionem
boni naturalis intrinseci, sed solius
facilitatis, quam perdidit mediante
fomite, & contrarietate appetitus
sensitiui, à qua redditus est minus
habilis, & promptus ad consequen-
dum finem: ideoque illa eadem re-
bellio, quæ secundum se considera-
ta, non erat vulnus, sed proprietas,
& conditio naturæ, denominatur po-
stea vulnus pœnale infictum in pœ-
nam peccati, quemadmodum ea-
dem parentia visionis, quæ non esset
pœnalis homini spectato secundum
sua naturalia, denominatur pœnalis,
in quantum data est illi in pœnam
peccati, ut habet S. Th. citatus.

147 Dices 3. tibia clauda,
quamdiu manet clauda, non potest
non claudicare, aut motum rectum
efficere, ergo neque voluntas ratio-
nalis claudicans per peccatum, potest
efficere motionem rectam. Nego
paritatem, quia non est in potestate
naturæ superare claudicationem, si-
cure est in potestate voluntatis libe-

L 6 ræ,

ræ vincere difficultatem ortam ex peccato ad vitandum malum, & amplectendum bonum; & ita docet S.Thom.in 2. dist. 28. quæst. 1. art. 2. vbi proponens hoc argumentum, habens pedem claudum, non potest ambulare, nisi claudicando, sed peccatum est quædam curuitas voluntatis, ergo homo in statu peccati, non potest non peccare; sic responderet; Ad 4. dicendum, quod ratio illa tenet in illis, quæ agunt propter necessitatem nature, in quibus de necessitate operatio sequitur, secundum exigentiam perfectionis, & defectus operantis, non autem in voluntarijs, quia homo habens virtutem, potest non uti virtute, sed in contrarium usum exire, & habens habitum vitiosum, potest non uti habitu illo; eadem habet quæst. 26. de ver.art. 12. ad 4. non est in potestate tibiae, ut utatur curuitate, vel non utatur, ideo oportet omnem motum tibiae curva claudicationem esse, liberum vero arbitrium potest uti, vel non uti sua curuitate. Et retorqueo argumentum, non valet hæc paritas, tibia sana non

po-

potest claudicare, ergo voluntas sana
nequit claudicare, ita neque hæc alia,
tibia clauda nequit efficere motum
rectum, ergo neque voluntas in-
firma.

148 Argue 3. euertens præci-
puum fundamentum Aduersariorum
refundentium impotentiam ad non
operandum malum in originale
tamquam causam adequatam. Actus
bonus non adimit potentiam ad fa-
ciendum actum malum, aliter homo
posset vnico actu fieri impeccabilis,
ergo nec actus malus adimit poten-
tiam ad faciendum actum bonum,
reddens operantem necessario pec-
cabilem; unde sicuti voluntas ut
pote libera, quamvis bene disposita
per habitum, potest non ut bona
dispositione, sed illam vincere, ac
peccare, ita & male disposita per
habitum vitiosum, potest contra il-
lam prauam dispositionem bene ope-
rari, ideoque habitus tam boni, quam
mali, non tollunt, quin homo affe-
ctus tali habitu sit potens ad bene,
vel male agendum, ut habet S. Tho-

in

254 De effectibus

in 2. dist. 28. art. 2. ad 4. homo habens
virtutem potest non uti virtute, & in
contrarium usum exire, & habens ha-
bitum vitiosum, potest non uti habitu
illo. Vrgeo maior inclinatio con-
furgit in voluntate ad repetendum
actum elicitum voluntate propria,
quam aliena, sed voluntas potest ma-
le operari vincendo inclinationem
relictam ex uno, vel pluribus acti-
bus bonis personalibus, vt de facto
contigit in Adamo habente vires
robustissimas, sine ullo somite, & vt
loquitur Augustinus, cum tanta non
peccandi facilitate, & contigisset in
homine innocentia in puris natu-
ralibus, ergo a fortiori potest bene
operari superando inclinationem re-
lictam ex actu prauo, & alieno ca-
pitis, sane si dentur duae inclina-
tiones contrarie, quarum una con-
furgens ex frequentatione actuum,
& impellens ad bonum honestum
est maior; alia vero tendens ad bo-
num in honestum est minor, vt po-
orta ex uno tantum actu alieno ca-
pitis, non videtur, quomodo illa-

pri-

prima inclinatio etiam intensa sit
vincibilis, nec reddat hominem im-
potentem ad peccandum, & hæc se-
cunda, quamvis remissa, & orta ex
vnica actione peccaminosa, sit inuin-
cibilis, reddens hominem impoten-
tem ad non peccandum. Rursus, ho-
mo innocens in pura natura posset
vitare peccatum, ergo etiam homo
lapsus habens solum originale, per
quod, parum, ne dicam nil, incli-
natur ad malum, dum illam actio-
nem non facit per se ipsum, sed per
alium.

149 Arguo 4. homo in pœnam
originalis non meruit ademptum
sibi esse statum viæ, aliter statim ac
infunderetur anima in corpus, vti
in eo instanti animationis contrahe-
ret maculam originalem, ita incipe-
ret esse in termino, contra vniuersa-
lem sensum Ecclesiæ agnoscentis
statum viæ, & militiæ, ac statum ter-
mini, & retributionis, ergo non in-
currit impotentiam perpetuam ad
obseruantiam legis; consequens
probatur; status viæ differt à statu
ter-

256 De effectibus

termini, per hoc , quod viator habet
virtutem ad recte ambulandum , si
velit, quam eo clapo amittit, ac suc-
cedit status termini ; qua de causa
Euthimius super illa verba Matth. 22.
ligatis manibus, ac pedibus proiecere in
tenebras extiores, docet in vita
præsentri non ligari viatoribus ma-
nus ad opus , aut pedes ad rectum
iter vinculo necessitatis , & impossi-
bilitatis , quia hoc ligamen pro tem-
pore alterius vieæ reseruatur , sate-
ram, inquit, vocat cessationem operis,
quæ manibus , ac pedibus perficitur ,
tunc enim cessabit peccatorum opera-
tio , nec enim , vel una actio ad Iudi-
cem placandum dabitur , operationis si-
quidem præsens tempus est , futurum
retributionis ; & ideo sapiens Eccle-
siaстici 51. 38. distinguens duo tem-
pora præsentis , & futuri saeculi , sic
hortatur peccatores , operamini opus
vestrum ante tempus , & dabit vobis
mercedem vestram in tempore suo ,
hoc est, ut ait Cornel. ibi. in comm.
facite opera bona in præsentri vita ,
ut in futura mercede donentur . Ea-
dem

dem habet Nyctetas in illud Iob 34.
 nec enim ultra in hominis potestate
 est, ut veniat ad Deum in iudicium,
 inquiens, hoc quidem tempore bonum,
 & malum est in nostra potestate, verum
 in eo, quod consequitur, aeo, eius rei
 erit nobis erepta facultas; nec enim rei
 gerenda optionem daturus est amplius.
 Hinc sic vterius vrgeo, manuum
 pedumque ligatio ex Bernardo tr.
 de gr. & lib. arb. alijsque Patribus est
 omnimoda potestatis ablacio, sed
 hæc ligatio, per quam ex iisdem Pa-
 tribus significatur impotentia ad re-
 cte operandum, & ambulandum in
 via salutis, non est posita homini in
 hac, sed in alia vita, quando vnu-
 quisque iudicandus est, ergo impo-
 tentia, seu carentia auxilij sufficien-
 tis, non inest homini in hac vita,
 vnde sic concludit S. Fulgentius
 ep. 4. ad Probum, prope initium;
præsens vita nobis semper est via, in
qua semper habemus, ubi possumus
proficere.

150 Arguo 5. de fide est præ-
 cepta naturalia dilectionis Dei, &
 pœ-

pœnitentia obligare subditos, ergo de fide est, hominem lapsum habere potentiam sufficientem ad eorum obseruantiam, quia sine hac potentia cessaret obligatio obseruantiae; ideoque merito Origenes hom. 12. in cap. 21. Num. irridet tamquam fatuos, qui negant homini potestatem ad exequendum quidquid à Deo præcipitur, inquiens, & nunc Israel audi quid Deus poscit à te. Erubescant illi hac verba, qui negant in homine esse liberum arbitrium. Quomodo posceret Deus, nisi haberet homo in sua potestate, quod poscenti Deo debret offerre? Rursus de fide est non esse vanas promissiones diuinæ, quibus spondet gloriam, tamquam præmium bene operanti, vincenti dabo coronam gloriæ, ergo cum conditio victoriæ, & sanctæ operationis non possit adimpleri ex defectu potentia sublatæ ab ipso Deo promittente, oportet, ut in promissario dentur vires ad ponendam conditionem.

151 Arguo 6. qui habet impotentiam antecedentem ad non peccan-

candum contra legem, nec vim tol-
lendi talem impotentiam, non pec-
cat violando legem, sed adultus cum
primo transgreditur legem natura-
lem peccat de novo peccato per-
sonali distincto ab originali, ergo
ex originali non contraxit impoten-
tiā antecedentem: minor est cer-
ta, aliter nullus adultus damnaretur
ob actuale, sed ob solum originale,
quod erroneum existimo. Maior est
pariter certa, & probatur; pecca-
tū non committitur, nisi ab haben-
te potestatem liberam illud non
committendi, ut probauit disp. ante-
cedenti, sed ubi est impotentia non
est potentia, nedium potentia libera,
ergo nec peccatum. Virgo ideo
parvulus, non peccat personaliter,
quia deficiente lumine rationis non
habet vires sufficientes ad vitandum
malum, sed etiam adultus compos-
rationis, deficiente sibi potentia suf-
ficiente, caret viribus sufficientibus
ad non peccandum, ergo non pec-
cat personaliter: consequentia est
manifesta, æque impotens est ad

ope-

operandum, qui nullas habet vires, ac qui habet aliquas, sed insufficien-tes, vnde si sint duo, quorum unus habeat currum, sed non equos, alter nec currum, nec equos, vtique ambo sunt simpliciter impotentes ad iter faciendum cum curru, licet ha-bens solum currum, sit minus indis-positus ad cursum, quam carens curru, ergo licet adultus præcise, vt pol-lens usu rationis, habeat aliquas vi-res incompletas, quas non habet parvulus, si tamen hæ non sint suffi-cientes ad non peccandum, ambo di-cuntur ob impotentiam æque pec-care, vel non peccare peccato per-sonali. Quod si adhuc velis peccare reprobum adultum, non vero paruu-lum, quamuis æque impotens sit ille ad seruanda mandata, hic ad moriendum in utero, vel extra uterum maternum cum originali sine baptis-mo, tunc adultus torqueretur in in-ferno, puer è contrario esset immu-nis à pœnis, quæ diuersitas, stante æqualitate impotentia, damnaret potius, quam commendaret largissi-mam

mam Dei misericordiam, ac suauissimum diuinæ prouidentiæ ordinem.

152 Dices cum Henrico cap. 4.
 §.10. vers. expedienda est hic difficultas,
 & vers. obiciunt plures, posteros pec-
 care, etiam si nequeant vitare pecca-
 tum, quia sufficit ad peccandum
 de nouo, si impotentia, seu amissio
 potentiae sufficientis, per quam po-
 terant non peccare, sit inficta in
 pœnam præcedentis peccati origi-
 nalis, quæ per baptismum non tolli-
 tur, sicuti non tolluntur rebellio,
 mortalitas, passibilitas, aliæque pœ-
 nalitates, quas incurrit genus huma-
 num ob peccatum sui capit. Resp.
 me supra demonstrasse impotentiam
 ad non peccandum, nec esse pro-
 prietatem naturaliter consequentem
 ad peccatum prius commissum, nec
 impositam à Deo in pœnam origi-
 nalis. Verum, ut appareat imbecil-
 itas euasionis, & obstruatur os lo-
 quentium falsa, do hanc impoten-
 tiā per modum pœnæ, & sic pro-
 bo, non posse in ea hypothesi homi-
 nem denuo peccare. Effectus, qui
 est



est solummodo malus , & liber in causa, non habet aliam formalem malitiam, ac libertatem, quam libertatem , & malitiam suæ causæ , sed transgressio mandatorum Dei , sequens ex impotentia antecedenti ad non transgrediendum , inducta in posteros in pœnam originalis , est mala , ac libera in originali , tamquam in sua causa , ergo non habet aliam malitiam , & libertatem quam causæ: minor patet; quia homicidium non alio modo vitari potest , quam vitando ebrietatem , ideo non est peccaminosum, nec liberum, nisi in causa, sed posterus nō poterat alio modo vitare transgressionem personalem , nisi vitando originale , ergo non vitato originali, transgressio posteri^r, non est mala , & libera in se , sed in causa ; cum tam ex ebrietate quam ex originali , eadem sequatur impotentia ad cauendam occisionem , ac transgressionem . Vrgeo non minus homo lapsus traxit ex originali impotentiam ad non transgredienda mandata , quam ad vitandam

dam mortem, & impediendum motus deordinatos concupiscentiaæ contra rationem, ut habet Henricus cap. 4. §. 10. vers. obijciunt plures, tum sic: ideo homo carens dono integritatis in pœnam originalis, non peccat non vitando mortem, ac rebellionem carnis, quia est impotens vitare utrumque, quamvis hæc impotentia sit contracta, tamquam ex causa, ex originali, in pœnam eiusdem originalis, siquidem Tridentinum definit concupiscentiam, eiusque motus indeliberatos non esse peccatum, sed effectus peccati, ergo nec homo impotens ad non violandam legem in pœnam originalis, peccat violando legem, etiamsi talis impotentia sit effectus peccati.

153 Confirmo hoc idem his exemplis, pone duos homines, quorum unus careat pecunijs sine culpa, alter vero in pœnam proprij criminis, hic sane priuatus bonis non peccat non erogando eleemosynam egenis existentibus in extrema necessitate, quibus ex precepto esset subuenien-

264 De effectibus

niendum: Rursus obligetur Titius ex præcepto, aut voto ad deferendam proprijs manibus facem accensam tempore, quo defertur sacra hostia in viaticum moribundis, deinde vero in pœnam delicti sint illi recisæ manus, hic profecto carens manibus, non peccaret contra votum, aut præceptum, non deferendo faciem, ergo etiamsi Adam ob inobedientiam perdidit sibi, ac posteris potentiam sufficientem ad seruandam legem naturalem, & ad non perseuerandum in peccato, non erit culpabilis noua transgressio, ac perseuerantia in peccato, ob amissionem potentiaz, cum qua tantummodo poterat legem implere, & non perseuerare in peccato; quare si Deus amputaret Caio pedes in pœnam homicidij, quis, nisi stultus dicet Caium non ambulando peccare, contra legem præcipientem ambulationem; etiamsi impotentia ad ambulandum sit effectus pœnalis ortus ex homicidio.

154 Hinc Augustinus ea, quæ
fiunt

funt sine potentia ad oppositum, non
appellat propriè, & absolute pecca-
ta in se, sed minus proprie, seu per
denominationem à causa, cuius sunt
effectus, ut habet lib. 3. de lib. arb.
cap. 18. inquiens, illud, quod ignorans
quisque non recte facit, & quod recte
volens facere non potest, ideo dicuntur
peccata, quia de peccato illo liberæ vo-
luntatis originem ducunt, illud enim
præcedens meruit ista sequentia, nam
scut linguam dicimus non solum mem-
brum, quod mouemus in ore, dum lo-
quimur, sed etiam quod huius mem-
bri motum consequitur, id est, formam,
tenoremque verborum, secundum quem
modum, dicitur alia lingua græca, alia
latina, sed non solum peccatum illud
dicimus, quod proprie vocatur pecca-
tum, libera enim voluntate, & à scien-
te committitur, sed etiam illud, quod
iam de huius supplicio consequatur, ne-
cessse est. Quare vti ex Augustino
appellatur propriè lingua, membrum
quod mouemus in ore, & minus pro-
prie, seu denominatiue, tenorem ver-
borum, ex cuius diuersitate dicimus,

M

aliam

266 De effectibus
aliam esse linguam græcam , aliam
latinam, eo quia ex motu illius mem-
bri consequitur , ita appellatur pro-
prie peccatum , quod committit vo-
luntas cum potentia sufficienti, & li-
bera ad oppositum , effectus vero
ad illud consequentes dicuntur pec-
cata , sed minus proprius per deno-
minationem à causa peccaminosa , ex qua necessario deriuantur ,
vti sunt aliæ poenitentes , nempe
concupiscentia, mortalitas, passibili-
tas, & alia huiusmodi .

155 Dices 2. si ego præuideam
me in ebrietate occisum Petrum ,
vtique dicor peccare peccato ebrieta-
tis, & homicidij, quamuis occisio sit
solum volita, & libera in causa, ergo
etiam in casu præfenti . Nego pari-
tatem ; nam sicuti incidens in mor-
bum ex intemperantia , vel alia ma-
la causa , ob quam nequit interesse
sacro, & iejunare, non est reus omis-
sionis sacri , vel fractionis ieunij ,
quia licet culpabiliter contraxerit
morbum , ex quo necessario fit im-
potens obseruare utrumque præce-
ptum

ptum, attamen noluit, nec intendit causam morbi, ut non ieiunaret, nec assisteret sacro, ita pariter, cum nec Adam, nec posteri præuiderint, vel acceptauerint hanc impotentiam connexam perte cum originali, ac transgressiones inde consequentes, nequeunt transgressiones esse peccata distincta à sua causa, nempe ab originali, quare cum S. Tho. 3. con. Gent. cap. 160. & Ferrar. ibi §. quia autem posset, & §. ex ista responsione docet posse imputari ad culpam aliquod impossibile, si fiat impossibile ex culpa præcedenti, ex qua relinquitur, sicuti ebrius ab homicidio non excusat, quod per ebrietatem committit, quam sua culpa incurrit, scias ipsum loqui de homicidio preuiso, & acceptato in ebrietate, non vero independenter à præuisione, & acceptatione in causa ; ideoque recte ait Augustinus lib. 22. contra Faustum cap. 4. incestum patratum à Loth cum filiabus, non meruisse aliam poenam, quam debitam ebrietati, quia nec fuit præuisus, nec voluntarius ni-

268 De effectibus
si in causa ebrietatis , vt notat Bell.
lib.2. de grat. & lib. arb. cap.7. §. at
neque hæc solutio .

156 Arguo 7. si in pœnam ori-
ginalis deberetur homini impoten-
tia ad non peccandum non habe-
rent homines motuum agendi gra-
tias Deo ob eorum creationem , con-
sequens ab omnibus reiicitur , vt fal-
sum, ergo & antecedens . Sequelam
probo : creatio cum impotentia
ad non peccandum, nil aliud afferret,
quam impotentiam consecutionis fi-
nis , ac necessitatem damnationis
connexam cum impotentia bene o-
perandi , & non peccandi , quis au-
tem agnoscet , vt benefactorem , qui
ponit ipsum in eo statu , in quo est
impotens ponere media necessaria
ad consecutionem sui finis , vti sunt
vitatio peccati, & recta operatio, qua-
propter Augustinus , vt omnem à
reprobis amoueret occasionem que-
relæ , ac motuum non laudandi
suum Creatorem scripsit lib.3.de lib.
arb. cap.16. initio, homines duo bo-
na agnoscere debere sibi à Deo col-
la-

la
ti
er
tu
li
ce
te
di
m
ri
du
ea
ef
de
co
be
b
i
d
tu
q
pi
no
A
m
p
p

lata, scilicet esse naturæ, & potentiam ad bene esse; his verbis: omnia ergo illi debent, quidquid sunt, in quantum naturæ sunt, deinde quidquid melius possint esse, si velint, quæcumque acceperunt ut velint, aut quidquid oportet eas esse, ex quo paulo post infert, dum homines non faciunt id, quo meliores sint, non est culpa conditoris, qui dedit potestatem ad facendum, sed solius hominis, qui noluit ea potestate vti ad id, quo melius esse potest, ac proinde non culpan-
dus, sed laudandus à creatura, cui contulit potentiam sufficientem ad bene effendum, quamvis pro suo libito ad hunc finem ea non vratur, inquiens, dum non facit quisquis quod debet, nulla culpa est conditoris; si enim tu laudaris vidēdo, quod facere debeas, quanto magis ille, qui & velle præcepit, & posse præbuit, & non impune nolle permisit. Hinc sic argumentor; Augustinus docet creaturas, in prima sui productione, duo bona accepisse à Deo, scilicet esse naturæ, & potentiam, qua meliores esse possint,

270 De effectibus

eique pro viroque beneficio gratias agendas, ergo si creatio præbet reprobis materiam laudandi Deum, dantem illis esse, ac posse melius esse, faiso dicitur in pœnam originalis sublatam creaturis potentiam ad bene essendum.

157 Arguo 8. vbi adest necessitas, & impotentia antecedens ad non peccandum, adest sola libertas à coactione, sed posteri contraxerunt ex peccato Adæ necessitatem, & impotentiam antecedentem ad non peccandum, ergo peccant cum sola libertate à coactione; hæc autem propositio rejicitur à S. Thom. in 2. dist. 25. art. 5. in corp. libertas à coactione, ac necessitate in omnibus inuenitur, sine quo peccatum imputari non posset; & damnatur à Pontificibus Innocentio X. & Alexandro VII. contra Iansenium, eiusque asseclas; quare qui dicunt hominem peccare cum impotentia ad non peccandum, dicunt duo contradictoria, nempe peccare, vt aiunt, & non peccare, quia sine potentia suf-

fi-

fi
P
v
ce
ls
su
ne

P
h
ni
co
ne
cr
ni
ni
b
v
ti
et
ne
ve
lo
pa
lo
te
pe

ficienti, & libertate à necessitate non peccatur? vt ait Augustinus lib. de vera relig. cap. 13. aut negandum committi peccatum, aut fatendum à voluntate committi, hoc est, ut deinde subdit, per voluntatem oppositam necessitati.

158 Arguo 9. ex plurimis scripturæ testimonij, in quibus Deus hortatur, & vocat peccatores ad pœnitentiam Sap. 12. eos, qui exerrant, corripis, & de quibus peccant, admones, & alloqueris, ut relicta malitia credant in te Domine, vnde Augustinus in psal. 102. ad illa verba, longanimis, & multum misericors, sic habet, vocat undique ad correctionem, vocat ad pœnitentiam, vocat imperiendo tempus viuendi, vocat per Lenorem, vocat per intimam cogitationem, vocat per flagellum correctionis, vocat per misericordiam consolationis, longanimis, & multæ misericordiae, & paulo post concludit, ergo tu Deus longanimitate tua parcendo ad pœnitentiam adducis, & ser 102. de tempore, sic loquitur, Deus pro ineffabili

M 4 pie-

pietate sua, non solum nos monet, sed etiam rogat, ut nos à peccatis mortiferis reuocemus, audiamus illum, dum rogat, ne nos postea non audiat ille, qui iudicat, fili miserere animæ tuæ placens Deo. Eccles. 30. quid ad hæc respondebit humana fragilitas, Deus te rogat, ut tui miserearis, & non vis, causam tuam apud te agit, & à te non potest impetrare, at sublata potentia sufficienti ad non peccandum, non minus ficta, ac nugatoria esset hæc exhortatio, quam exhortatio ad ambulandum directa ad non habentem pedes, ideoque recte reprobus non solum Augustino dicenti, quid ad hæc respondebit humana fragilitas, sed etiam Deo sic exhortanti, ac roganti,
Fili peccasti, non adijcas iterum. sto ad ostium, & pulso si quis aperuerit mihi ianuam, intrabo ad illum: nolo mortem peccatoris, sed ut convertatur, & vivat, responderet, quid me horaris, rogas, ac mones, dum non possum non adiucere nouum peccatum, ad quod non adiciendum reddidisti me impotentem, nec possum aperire ostium.

ostium, si deest potentia sufficiens ad aperiendum, da prius, vnde possum aperire, & tunc petas, ut aperiam. Tandem illam Pauli reprehensionem ad Rom. 2. an ignoras, quia benignitas Dei ad pœnitentiam te adducit, sic refelleret reprobis, non solum ignoro, sed etiam scio oppositum, nempe, quod Deus non vult me ad pœnitentiam adducere, adiens mihi vires sufficientes, quibus valeam pœnitere. Hinc Scripturæ testimonij innixi Patres Concilij Valent. 3. quod celebratum fuit anno 855. sub Lothario Imperatore cap. 2. definiunt; nec ipsos malos ideo perire, quia boni esse non potuerunt, sed quia noluerunt, siveque vitio in massa damnationis, vel merito originali, vel etiam actuali, permanerunt; mitto alia Scripturæ loca, quia passim quisque reperiet apud S. Thom. aliosque, inter quos Ruiz tom. de voluntate, & de prædest.

M 5

Quid

Quid de mente Augustini.

159 **S**ecunda conclusio . Non
deesse reprobis in pœnam
originalis auxilium sufficiens ad
consecutionem salutis , adeo clare ,
ac repetitis vicibus docuit Augusti-
nus , vt ad id suadendum , satis sit
referre eius propositiones , in quibus
hæc veritas aperte continetur . Pri-
ma igitur Augustini propositio est ,
peccator habet potentiam credendi ,
& non credit , non quia non potest ,
sed quia non vult ; sic docet tract. 53.
in Ioan. nec sic existimemus fidem no-
stram esse in libero arbitrio , vt diuino
non egeat adiutorio , audiamus Eu-
gelistam dicentem dedit eis potestatem
filios Dei fieri , ne omnino existimemus
in nostra potestate non esse , quod credi-
mus ; verumtamen in utroque illius
beneficia cognoscamus , nam & agen-
dæ sunt gratiae , quia data est potestas ,
& orandum , ne succumbat infirmitas ;
aduerte , quod ait esse in nostra po-
testate , non vero fuisse in Adamo ,
quo

quo pacto essemus potentes in causa, non in nobis ipsis, & ideo lib. 83. quæst. recte infert quæst. 68. col. 3. non posse peccatorem Deo tribuere, quod peccet, sed tantummodo sibi ipsi; non illi, qui noluerunt venire, debent alteri tribuere, sed tantum sibi, quoniam, ut venirent, vocati sunt; nota particulam taxatiuam, tantum, ut denotet non defectui vocantis, sed solius vocati tribuendum esse, quod non veniant, ob idque coniungit vocationem ad veniendum, cum non aduentu libero, ut appareat defectus esse ex voluntate, non ex impotentia; eadem inculcat serm. 47. de Sanctis in fine, homini adscribendum, quod potius iudicetur reus in die iudicii, quam innocens, inquiens, dicit Dominus, si dimiseritis hominibus peccata eorum, dimittet Pater vester cœlestis peccata vestra; Rogo vos Fratres, quid delicatus, quid benignius dici potest? in potestate nostra posuit, qualiter in die iudicii iudicemur, quod amplius declarans, subdit rationem, quia non extra nos, sed in nobis

M. 6 po-

posuit Deus potentiam faciendi id ,
quod à nobis faciendum requirit ;
non dixit, vade in orientem, & quare iustitiam, nanius usque ad occidentem,
ut accipias indulgentiam; dimitte inimico tuo, & dimittetur tibi, indulge, & indulgetur tibi, da, & dabitur tibi;
nihil à te extra te querit, ad te ipsum,
& ad conscientiam tuam te Deus dirigit, in te enim posuit quod requirat,
idem autem est, ponere in nobis, quod requirit à nobis , ac quod prius dixerat , in nostra potestate posuit , qualiter iudicemur.

160 Secunda propositio est , neminem posse , nobis inuitis , eripere nobis bonam operationem , vt ait enarrat in psal. 55 . ad ea verba , in me sunt Deus vota tua , his verbis , omnia potest à te auferre inimicus , inuito ; hoc (scilicet donum fidei) auferre non potest , nisi volenti , volens habere aurum , perdet aurum , fidem nemo perdet , nisi qui spreuerit ; per quæ verba , comparans amissionem auri , cum amissione fidei , docet inimicum posse me inuito auferre aurum , non

ve-

vero fidem, nisi velim, ac proinde
in eo, qui perdit fidem, agnoscit
potentiam, à qua nequit fides aufer-
ri, ni velit, alioquin, utrumque dice-
ret ab inimicis auferri posse me in-
uito, & tract. 2. in Ioan. circa me-
dium, ait, hominem posse habere
sibi præsentem Deum, si voluntarie
non recedit ab illo, qui quantum est
de se à nemine recedit; opus est,
inquit, ut tu non recedas ab eo, qui
nusquam recedit, opus est, ut non dese-
ras, & non desereris, noli cadere, & non
tibi occidet, si tu feceris casum, ille
tibi facit occasum, si autem flas, præ-
fens est tibi, sed non stetisti, recordare,
vnde cecideris, vnde te deiecit; non
vi, non impulsu, sed voluntate tua;
si etiam male non consentires, stares, il-
luminatus maneres. Quid clarius ad
ostendendum, quod non vi, sed vo-
luntate, ac potestate nostra cadimus,
ac recedimus à Deo.

161 Tertia propositio; Pecca-
tores excusari non posse, quod pec-
cent, quia carent potentia ad non
peccandum, cum Deus det illis adju-

to-

278 De effectibus
torium, ut impleant, quod iubet, sine
quo excusarentur à peccato. Sic ha-
bet tract. 53. in Ioan. post medium,
ne quisquam neget voluntatis arbi-
trium, & audeat excusare peccatum,
audiamus Dominum & præcipientem,
& opitulantem, & iubentem, quid fa-
cere debeamus, & adiuuantem, ut im-
plere possimus. Vides quomodo con-
iungit præceptum cum opitulatione,
& iussionem cum adiumento, & lib.
3. de lib. arb. cap. 16. ait homines
priuatos facultate sufficienti ad non
peccandum, non esse reos peccati,
vere tamen peccare, quia habent suf-
ficientissimam facultatem, ex eo igi-
tur, quod non accepit, nullus reus est,
ex eo vero, quod non fecit, quod debet,
iustè reus est, debet autem, si accepit,
voluntatem liberam, & sufficientissimam
facultatem.

162 Quarta propositio: Deus
præstat omnibus sufficiens lumen,
gratiæ ad obseruantiam præcepto-
rum, si velint eo vti, ita lib. I. de
gen. ad litt. cap. 3. in fine contra
Manichæos, illud, inquit, lumen non

ir-

irrationalium animalium oculos pas-
cit, sed pura corda eorum, qui Deo
credunt, & ab amore visibilium re-
rum, ac temporalium se ad eius præce-
pta seruanda conuertunt, quod omnes
possunt, si velint, quia illud lumen om-
nem hominem illuminat, venientem in
hunc mundum, quam doctrinam sic
confirmat lib. i. retract. cap. 10, sub
initium recognoscens prædictum
locum Genesis, verum est omnes ho-
mines posse, si velint, sed præparatur
voluntas à Domino, & tamen augetur
munere charitatis, ut possint; atten-
de, hanc potestatem dici præpara-
tam vniuersaliter omnibus etiam
reprobis, ita ut omnes possint, si ve-
lint, & epist. 49. quæ est liber sex
quæstionum quæst. 2. proprius ad me-
dium, ait, voluntatem, auxiliatricem,
nunquam defuisse mortalibus ad sa-
lutem, hoc est, ut recte sapiant, &
saluentur; voluntatem Dei sequuti
sunt, qui recte sapuerunt, quæ nunquam
deficit ad salutem iustitiae, pietatisque
mortalium, & lib. de vera relig. cap.
55. ad finem, assignans discrimen
in-

inter facultates datas creaturis liberis, ac necessarijs ait, his datam esse facultatem, ut faciant, quantum possint, illis vero, ut faciant, quantum velint, nisi Deus summe bonus esset, qui & nulli nature, quæ ab ipso bona esse potest, inuidit, & in bono ipso, alia (hoc est agentia libera) quantum vellent; alia (hoc est necessaria) quantum possunt, ut manerent, dedit; Quod si in Scriptura dicuntur homines non posse operari, scias ibi potestatem aliquando accipi pro voluntate, & ipsum non posse, pro non velle, ut notat Chrysostomus hom. 67. in medio his verbis; non potuerunt, hoc est noluerunt, ut non nunquam potestate pro voluntate vittur.

163 Quinta propositio; in nostra potestate est, ut inferamur, vel excidamus à gratia, amicitia, salute, & ab Ecclesia, ut ait contra Admantum Manichæi discipulum cap. 27. perpendens illud Pauli ad Rom. 11. vide ergo bonitatem, & seueritatem Dei, in eos quidem, qui cecide-

runt

runt, seueritatem, in te autem bonitatem Dei, si permanseris in bonitate, alioquin, & tu excideris, sed & illi, si non permanserint in incredulitate, inserventur; sic loquens, ostendit Paulus in nostra potestate esse, ut vel inseri bonitati ipsius, vel excidi seueritate mereamur; quæ verba repetit lib. I. retract. cap. 22. in fine. Addo tamen bonitatem accipi ab Apostolo, pro libera voluntate saluandi omnes, qua ratione opponitur seueritati, seu voluntati puniendi respuentes salutem; loquitur enim ibi de Gentilibus, qui benignitate Dei inserti per fidem in oleam, hoc est Ecclesiam, & consequenter in amicitiam, possunt excidere, si libere recedant, & non permaneant in fide acquisita per gratiam.

164 Iam vero ex allatis testimonijs, sic argumentor, Augustinus, locis citatis, docet omnibus, etiam reprobis dari potentiam sufficiensem, ergo non recte Henricus afferanter pronunciauit, oppositum doceri ab Augustino. Verum, quia for-

forte contendet saltem in alijs locis
contrarium sensisse, ideo hanc ca-
lumniam, quam Gallorum aliqui ex
eius scriptis eo viuente excitauerant,
non meis, sed eiusdem Augustini
verbis, depello. Sic ipse ex Gallo-
rum sensu refert oppositionem lib.2.
de bono perseu. cap.15. sed aiunt, vt
scribitis, neminem posse correptionis
stimulis excitari, si dicatur in conuen-
tu Ecclesiae audientibus multis; ita se
habet de prædestinatione prædefinita
intentia voluntatis Dei, vt alij ex
robis de infidelitate, accepta obedien-
di voluntate, veneritis ad fidem, vel
accepta perseverantia maneatis in fide;
cateri vero, qui in peccatorum delecta-
tione remoramini, ideo non dum sur-
rexistis, quia nondum vos adiutorium
gratiae miserantis erexit; Veruna-
men, si qui estis, nec dum vocati, quos
gratia sua prædestinaverit eligendos,
accipietis eamdem gratiam, qua veli-
tis, & sitis electi: Et si qui obeditis, si
prædestinati estis reiiciendi, subtrahen-
tur obediendi vires, vt obedire cessetis.
Audistis calumniam, quod Deus sub-
tra-

trahat obediendi vires non prædestinatis, ut cessent obedire, quas tamen dedit prædestinatis, ut venirent ad fidem, & gratiam, ac in ea permanerent; audiatis pariter, quid immediate subdat in sui, & Catholici dogmatis defensionem, Augustinus: *ista cum dicunt (hoc est calumniatores) ita nos à confitenda Dei gratia, idest, quæ non secundum merita nostra datur, & à confitenda secundum eam prædestinationem Sanctorum deterrere non debent, sicut non deterremur à confitenda præscientia Dei si quis de illa sic loquatur, ut dicat, siue nunc recte vivatis, siue non recte, tales vos eritis postea, quales Deus futuros esse præscivit, vel boni, si bonos, vel mali, si malos.* Vides quomodo ex his, quæ intulerant Galli de prædestinatione, alijs vero de præscientia, non deterreatur Augustinus persistere in sua, ac fidei sententia, confitendo gratiam datam gratis à Deo, ut omnes possint obedire, si velint, ac saluari.

165 Hinc S. Prosper fidelissimus

284 De effectibus

mus doctrinæ Augustinianæ sectator,
loquens de auxilijs collatis omnibus
ad salutem, sic scribit lib. 1. de voc.
gent. cap. 5. credimus, ac piissime con-
fitemur, quod Deus nulli nationi homi-
num, bonitatis suæ dona subtraxit, un-
de & inexcusabiles facti sunt, quia
Deos sibi dona fecerunt, & quæ creata
erant ad utendum, venerata sunt ad
colendum, & lib. 2. cap. 4. initio, ne in
prateritis quidem seculis, hæc eadem
gratia, quæ post Domini nostri Iesu
christi resurrectionem, ubique diffusa
est, desuit mundo; & cap. 28. sicut qui
crediderint, iuvantur, ut in fide ma-
neant, sic etiam, qui non crediderunt,
iuvantur, ut credant, & quemadmo-
dum illi in sua habent potestate, ut
exeant, ita & isti in sua habent potes-
tate, ne veniant; siisque manifestum,
quod diuersis, atque innumeris modis,
omnes homines vult Deus saluos fieri,
& in agnitionem veritatis venire, sed
qui venerunt, Dei auxilio diriguntur,
qui non venerunt, sua pertinacia relu-
ctarunt. Quapropter idem S. Do-
ctor in respons. ad 7. & 8. obiectio-
nes

nes Vincentianas, & 14. obiectio-
nem Gallorum, contra doctrinam
Augustini, reijcit tamquam impias,
ac blasphemias, has duas propositio-
nes, primam, *hæc est voluntas Dei, ut*
magna pars Christianorum salua esse,
neque velit, neque possit: secundam,
non vult Deus, ut omnes Catholici in
fide perseverent, sed vult, ut inde ma-
gna pars apostatet, ut refert Ruiz disp.
16. de prædest. sect. I. num. 7. & disp.
19. de vol. sect. 6. num. 8. & 9. vbi re-
fellens afferentes Deum nolle, ut
creaturæ possint esse saluæ, subitra-
hendo potestatem, ac vires, per quas
consequi valeant salutem, sic conclu-
dit; *Porro, ne posteris de tanti Do-*
ctoris Augustini sententia maneret ra-
tio dubitandi, Dei prouidentia permisit,
ut de hoc articulo (scilicet voluntatis
diuinæ de salute omnium, & de po-
tentia eis data ad illius consecutio-
nem) plurima contra doctrinam Au-
gustini obijcerentur, inspirauitque Pro-
spero, ut obiectionibus satisfaciens, il-
lius mentem sèpius explicaret, ut iam,
qui contra Prosperum senserit, non

pos-

286 De effectibus
possit de eodem cum Augustino sen-
tire.

166 Postremo, refellendum est aliud Henrici corollarium cap. 4. §. 10. vers. expedienda hic est difficultas, vbi sic loquitur; tanta per peccatum Adæ contracta est. impotentia ad proxime expedite operandum, ut si idem omnino adiutorium datum Adæ ad perseverandum, nobis in statu naturæ lapsæ donaretur, non esset sufficiens ad amouendam illam impotentiām perseverandi, ut ait S. Doct. lib. de correpl. &c. gr. cap. 12. prope finem, hæc tradens; si in tanta infirmitate vite huius, in qua infirmitate propter elationem reprimendam perfici virtutem oportebat, ipsis relinquetur voluntas sua, ut in adiutorio Dei, sine quo perseverare non possent, manerent, si vellent, nec Deus in eis operaretur, ut vellent, inter tot, ac tantas infirmitates voluntas ipsa succumberet, & ideo perseverare non possent, quia deficientes infirmitate, nec vellent, aut non ita vellent infirmitate voluntatis, ut possent. Refellendum inquam pri-

primo, quia miscet duo contradictria, nam si adiutorium Adami fuit datum ad operandum cum maxima facilitate, ut ait, idem S. Doctor, utique posteri ob infirmitatem ortam ex lapsu, non poterant cum eodem adiutorio operari faciliter, sed poterant cum difficultate, quæ non reddit hominem impotentem simpliciter, sed impotenter ad operandum sine conatu, & sine victoria, siquidem difficultas opponitur facilitati, non vero potentiae operandi, vnde quando difficultas est adeo ingens, ut reddat impotentem, tunc non est mera difficultas, sed impotentia, quæ doctrina est S. Tho. in 2. dist. 28. quæst. 1. art. 2. in corp. ut dicam.

167 Secundo, quia male pro se adducit Augustinum, qui distinguens eo loco donum dans vires ad perseverandum à dono dante vires simul, & perseverantiam exemplo alimentorum, quæ reddunt hominem potentem ad viuendum, non tamen, ut actu viuat, subdit posteros infirmos

mos infirmitate orta ex originali ad-
huc lapsuros in peccatum, non quia
eis defuisset auxilium, sine quo per-
manere non possent, & possent ma-
nere si vellent, sed illud tantummo-
do datum prædestinatis, quo Deus
operatur in eis, ut perseuerent, ac
velint; ut liquet ex eius verbis, si in
tanta infirmitate ipsis relinqueretur
voluntas sua, ut in adiutorio Dei, sine
quo perseuerare non possent, manerent,
si vellent, nec Deus in eis operaretur,
ut vellent, infirmitate sua voluntas
ipsa succumberet; quapropter poste-
ris infirmis non negat Augustinus
in ea hypothesi potentiam ad perse-
uerandum, sed illam potius suppo-
nit, subdens cum ea non actu per-
seueraturos ob infirmitatem, qua de-
ficerent, nec vellent actu permane-
re, aut non ita vellent, uti volunt
prædestinati, eo quia non poterant,
ut pote priuati eo dono, quod ultra
potentiam perseuerandi, dat actuam
perseuerantiam, seu posse simul,
& velle, ideoque, quia non poterant
cum illo primo adiutorio actu per-
ma-

manere , quemadmodum , nec per-
mansit Adam , quamuis non infir-
mus, sed fortis ; ac robustus, sic con-
cludit ; subuentum est ergo infirmitati
voluntatis humanae , ut diuina gratia
indeclinabiliter, & inseparabiliter age-
retur, & ideo , quamuis infirma non de-
ficeret , neque aduersitate aliqua vin-
ceretur : ita factum est , ut voluntas
hominis inualida , & imbecilla in bo-
no adhuc paruo , perseveraret per vir-
tutem Dei , cum & voluntas primi ho-
minis fortis , & sana in bono ampliore
non perseverauerit, habens virtutem li-
beri arbitrij , quamuis non defuturo
adiutorio Dei , sine quo non posset per-
severare , si vellet , non tamen tali , quo
Deus in illo operaretur , ut vellet ; for-
tissimo quippe dimisit , atque permisit
facere , quod vellet , infirmis seruauit ,
ut ipso donante , inuictissime , quod bo-
num est , vellent , nec hoc deserere inui-
ctissime nollent . quibus verbis , dum
ait subuentum esse infirmitati huma-
ne , non per adiutorium sine quo non ,
sed per illud aliud , quo voluntas
adhuc imbecilla indeclinabiliter , & in-

N se-

290 De effectibus

separabiliter ageretur, & perseveraret
in bono; non adimit potentiam
ad perseverandum, sed actualem
perseverantiam, quæ est effectus se-
cundi adiutorij, qnod non datum est
Adam forti; sed postero infimo.

Sectio secunda diluuntur obie-
ctiones.

168 Obijcies primo: Au-
xilium datum Angelis reprobis, &
Adamo in statu innocentiae non fuit
efficax, sed sufficiens, aliter ambo
stetissent in statu acceptæ iustitiae,
sed Augustinus lib. de corrept. & gr.
cap. 11. & 12. docet homini fuisse
denegatum in pœnam peccati auxi-
lium collatum primo homini, &
Angelo, ergo docet homini lapsi
fuisse denegatum auxilium sufficiens:
minor patet ex verbis Augustini de
corr. & grat. cap. 11. post medium;
si hoc adiutorium, Angelo, vel homini
cum primum facti sunt, defuisse, quo-
niam, non talis natura facta erat, ut
sine adiutorio posset manere si vellet,
non utique sua culpa cecidissent, adiuto-
rium quippe defuisse, sine quo manere
non